

敬止錄

第五冊

敬

上

保

第

一

卷

天童禪寺 晉永康中僧義興結屋山中感太白為侍童寺因以名

唐開元十年僧法璿復故跡建精舍於山麓東至德中宗弼雲總  
之徒乃徙太白峰下自後自宋迄元興建悉備下請記明宣德三  
年燬八年圓愷重建殿高十三丈甃路者甃其長式於中途迄今  
尚存萬歷十五年山下龍興水漲飄流殿室成荒址者三十餘年  
崇正四年密雲圓悟重建一新山有佛跡玲瓏二巖响石岡虎跑  
池涵舊古松夾道二十里名萬松關大中祥符間僧子凝所植永  
樂志有植松記歲久無存圓悟補植杉木里許其徒僧又接植松

木半里有古鍋底有小穴人傳漏沙不漏米為寒山拾得靈蹟自  
天台國清飛來萬歷十五年為洪水所壞舊鐵尚存有獅子栢相傳  
晉義興所植云此栢垂地吾當再來樹  
老形似獅故名寺燬栢老今復鬱然

宏智禪師僧堂記 夫靈山之笑溫少林之坐寒東西繩繩三十  
三傳老盧受衣鉢而逃厥事顯著開闢翁張波瀾光猷大口而說  
肆心而應道傳器受源源流長南岳青原代以得人或默有所宗  
幽潛遠邈掃迹世外研究生死松食荷衣巢棲草座晦而不曜持  
養老成有慕其風師而視之鋤植春炊米汲烹淪溪毛原粟枯槁  
自甘來遠集繁乃建僧堂而統受為齋之萃師友同事剡情剡智  
擯學默思妙盡心空宗通眼活發越於設施果其能而備也建矣  
之末人病亂離湘漢江淮兵火燔燎尊宿叢林沒蕪八九毳衣瓶

錫投棲於東西四明禪席素號小廬山郡東六十里天童道場山  
行盤而氣幽松偃蹇而皮斂蒼壁附蘿烟晞而翠膩孤虹枕澗埃  
濯而清揚予住山之四年十方來學雲趨水赴坐不能容比丘行  
深遽來白事曰栢庭有子露坐檐宿殆無尋亦與受單鉢欲慕淨  
信增大其堂得乎予頷之已而匠搜於林斧鳴於谷一年餘礎布  
楹列梁橫楠攢  掠翼張甍瓦鏤覆前後十四間二十架三過廊  
兩天井下廡墻堵經二百尺廣十六丈窗牖牀榻深明嚴潔萬指  
食才超搖容與謀始於紹興壬子之冬工畢於甲寅之春總賞緡  
錢萬五千有奇冬溫夏涼晝香夜燈開鉢而飯洗足而坐耕牧其  
警導以寂秋涵石井春融化機淵兮默成榮多用光水盈科而流

石隨呼而響理契平等智應自然動靜威儀針砭相益檢責滲漏  
磨礱癩痕淬礪光芒錯磨圭角高標遠到追武古人巧心施力等  
不負其意器考學弊希易易欲速以機械為蹊放蕩為經耕於空  
言餒無所獲戰於強辨勝無所歸見聞流習知解汨心佛祖之所  
訶魔外之得便其疵癘萌孽治不可緩也登崑崙之丘決河源之  
水濯肝膽之污盪心目之翳生滅跡亡而妙存有無轍泯而過量  
大夜之夢破永劫之疑拔出家之志償行脚之事辦相從伴侶殆  
庶幾為紹興十二年七月十五日記

樓鑰千佛閣記 淳熙五年孝宗皇帝親灑宸翰大書太白名  
山以賜天童山景德禪寺寺之門甚雄敞刻雲章尊閣其上又於方

丈專建一閣以藏真蹟實為禪林盛事前所未有也初西晉永康中沙門義興卓菴此山有童子手給薪水後既有衆遂辭去曰吾太白一辰上帝以師篤於道行遣侍左右因忽不見自是始有太白天童之名山在郡東南六十里所太白一峰高壓千嶺雄尊深秀為一郡之望紹興初宏智禪師正覺欲撤其寺而新之謀於衆有蜀僧以陰陽家言自獻曰此寺所以未大顯者山川宏大而棟宇未稱師能為僧樓傑閣以發越淑靈之氣則此山之名且將震耀於時矣覺深然之乃拓舊址謀興作內外鼎新以次就成智匠高妙務極崇侈門為高閣延袤兩廡鑄千佛列其上前為二大池中立七塔交映澄澈遊是山者初入萬松關則青松夾道凡二十

里雲棟雪脊曾見林表而倒景池中未入寶閣已非人間世矣中建廬舍那閣尤為壯麗住山三十年其為久遠之計皆絕人遠甚後有慈航了樸一住亦二十年起超諸有閣於廬舍那閣之前複道聯屬至今巍然相望又大築海塗增益歲入由是天童不獨為四明甲刹東南數千<sub>里</sub>亦皆推為第一游觀者畢至至則忘歸歸而詫於人聲聞四方江湖衲子以不至為慊皇子魏忠憲王出鎮一見慈航懽若平生暇日來游顧瞻山林登玲瓏坐宿鷲或累日不忍去因圖以進於上會稽郡王太師文忠公又從容請遂有<sub>素請遂有</sub>四四大字之賜瑰奇特絕之觀無以加矣十六年虛菴懷故自天台萬年來主是刹百廢具舉追跡二老而千佛之閣歲久寢圯且將

弗支猶以前人規模為未足以稱上賜欲從而振起更出舊閣及  
前二閣之上僉以為難師之志不回也先是日本國僧千光法師  
榮西者發願心欲往西域求教外別傳之宗若有告以天台萬年  
為可依者航海而來以師為歸及遷天童西亦隨至告歲餘聞師  
有改作之意請曰思報攝受之恩糜軀所不憚況下此者乎吾忝  
國主近屬他日歸國當致良材以為助師曰唯未幾遂歸越二年  
果致百圍之木凡若干挾大舶泛鯨波而至焉於夫咸集浮江蔽  
河輦致山中師笑曰吾事濟矣於是鳩工度材雲委山積列楹四  
十多日本所致餘則取於境內之山始建於紹熙四年季秋之甲  
申才三載告畢費緡錢二萬有奇是歲海莊倍稔贏穀三千斛如

有相之者不求於人見者樂施以迄於成凡為閣七間高為三層棟橫十有四丈其高十有二丈深八十四尺衆楹舉三十有五尺外開三門上為藻井井而上十有四尺為虎座大木交貫堅緻壯密牢不可拔上層又高七尺舉千佛居之位置面勢無不曲當外簷三內檐四簷牙高啄直如引繩旅楹有闔翬飛跂翼周延四阿繚以欄楯內為綺疏表裏明豁自下仰望如見崑閬梵唄磬鐘半空振响徜徉登覽四山下瞰河漢星斗如在欄檻御書金榜巍乎中峙翼以翔龍護以絳綃高出雲霄之上真足以殫壓山川傳示千古善財童子大莊嚴藏入見樓閣廣博無量則不可知若經行四方室<sup>生</sup>巨麗殆未見其比也鑰奉祠東歸嘗往游焉驚歎傑特目

駐神駭過於耳聞故請記其事老矣學落不能形容姑記大概以表吾鄉之勝海內好奇之士欲游而未遂者覽此則太白之景思過半矣虛菴道價素高禪子向方島夷亦聞其名而歸之加以願力深重才及恢恢巧匠瑰材成此勝事觀此無不欽歎或請飾之敝曰殫力竭才幸濟登茲行且謝去若丹雘華飾尚有賴於後之人云

元參政危素朝元閣記 至正二十年天童山景德禪寺新作大閣成宣政院臣以聞有勅賜名曰朝光閣復三年皇太子命太保右丞相臣搆思監請於上勅中書參知政事臣素撰述碑銘以賜刻石垂諸永世臣素按慶元郡城東走四十里有山盤亘高廣若

抱園珠晉永康中沙門義興廬於茲山有童子日給薪水久而辭去曰上帝以師篤我道行故使以來吾太白星也寺經兵燹唐開元二十年高僧法璿按故迹造精舍於山之東麓秘書省正字萬齊融建多寶塔於精舍西南隅法璿日誦法華經亦感太白星化為童子因名其山名天童云至德中禪師曇總來自緡雲與禪師觀宗徙居太白峰下乾元初相國第五琦請於朝遂賜天童玲瓏寺額宣宗賜禪師咸啟始為十方禪刹宋建炎中宏智禪師正覺創建千佛寶閣淳熙五年孝宗書太白名山贈僧了朴十四年禪師懷敞謀重新是閣時日本千光法師榮西依敞問道乃請曰某為國主近屬歸當助施材木越二年果至閣成而寶祐四年承朝

崇國公吳潛奏請禪師祖智主之閣再建景定四年禪師告歿復作焉歲既久復燬大德三年禪師淨日益加口口聞於朝賜額朝元寶閣天歷間又燬至正十八年江浙行省咨宣政院奏起台之瑞巖臣僧原良主寺事即觀堂宇殘缺產入寡薄於是刻心殫力日以興建為事明年秋臣左丞方國真捐已資助工物未踰年落成其屋中為七間兩偏四間左鴻鐘右輪藏下為三門以通出入梁棟雲飛柱石山積椽題修敞而阿注袤延綺疏青瑣甬道躡虛於阿迦尼吒之表崇十有三丈邃十丈廣廿有五丈用人力以工計則十萬用粟以石計萬有奇用楮幣以貫計百五萬鑄萬銅佛置閣中復堰海塗一十七頃於寧海牧峰以為香燈修造之田至

於<sup>重</sup>構旃檀林庖湑衆屋不可殫紀今司徒平章臣國真上其事於  
朝既賜臣僧原良之號曰善覺普光禪師遂有賜碑之命蓋自兵  
禍且一紀名山勝地浮圖氏之寺宇往往摧拉焚燒化為狐兔之  
穴草莽之墟獨慶元諸刹得以無事臣國真能於斯時保境而安  
民觀諸天童之寺其功有足書者論者謂臣僧原良審以發謀斷  
以行志惠以使下則貪者勤勤於率衆則怠者勉此其所以成功  
速而樹業隆也昔懷敬師之樹閣則有宋參政樓鑰實紀其績距  
今百八十之年久而其文章烜赫照耀千古臣素 寡陋安能執  
筆以奉明命謹拜手稽首而為之銘曰

我我太白

鄧山惟高

其高伊何

下瞰海濤

真厥精藍

肇於西晉

唐宋以還

宗門大振

有歸傑閣

上摩雲霄

屢廢而興

突然宗杲

攘攘城中

兵革蜩起

春茲甬東

民物完美

締構竣事

杭海上聞

何以名之

錫錫朝元

燦彼衆星

北拱宸極

孰曰彼邦

天威咫尺

寶藏所儲

三學之書

觀諸義諦

湛波元珠

華鐘擊撞

天龍竦聽

冥冥塵昏

發我深省

政臣承詔

庸述因緣

升冲於天

天子萬年

黃毓祺中興記

晉義興行感太白人稱太白禪師因以名山唐

法璿如之山遂亦稱太白亦稱天童云天童之有寺也自乾元之

清元開始天童之為十方禪刹也自大中之咸啟始其稱景德禪寺也則自宋景德始建矣末宏智覺撤而新之即山門為大閣安奉千佛又建廬舍那閣觀者如游華藏界而僧業衆寮卧具飲食器所以處其徒者亦皆如寶坊化城又即濱海之隙障斥鹵而耕之以給僧供天童道場翕然稱中興焉嗣是屢燬屢建迨我明萬歷丁亥烈風雨龍出水漲寺遂圯今上崇正辛未我密雲禪師應寺僧暨鄉紳請來至茲山龍象千千爭超迤拂越數載百廢具興視宏智覺所謂不起於座變荆棘林為梵釋龍天之宮者殆無以異門下士謀立碑石紀師中興功或難曰自有天童以來稱中興者唯宏智覺一人他如慈航樸建超諸有閣於廬舍那閣前後道聯

屬歸然相望。宋孝宗手書太白名山賜之。虛菴故烏夷百園之木，挾大舶泛鯨波而至。傑閣煩為改觀，下瞰河漢，星斗如在欄檻。別山智縛茅以居，歲早禱雨，輒應。人情大和，會輪奐斬新，視舊無一殺。元明良重建朝元閣，左鴻鐘，右輪藏，鑄萬銅佛，置閣中，架棟雲飛，柱石山積。未聞有中興名。今師所創造修敞，巨麗不及諸老。十一其稱中興者何也？且宏智覺時寺中有田萬三千畝，四面皆皆<sup>山</sup>寺，中山無他樵採者，夾道古松二十里，慈航撲大築海塗，增益歲入。元明良復開為佛莊，田於牧峰，鰲山二島嶼下若干頃，有奇。今寺僧斥賣殆盡，師既置不問，即山中祖塔祇存空穴者，有之略一修復，未免曳杖渡江矣。何中興之足云？予笑曰：此其所以為中